

長樂縣志卷之一

分野志

自重黎絕地通天而分野以昉迨周禮以星辨九州之地所封州域各有分星以觀妖祥其來已久後世志疆域者必辦分野焉考楚之星野居翼軫鶉尾之次而漢唐諸書均稱自房陵白帝而東皆漢之南郡俱星分翼軫查彝陵長陽及鶴峯等地均入翼十度誠以其地雖廣遠而上當象緯不過如黑子着面耳長樂古多爲長陽地與東湖鶴峯等州縣相去不遠分野亦當以入翼十度爲定故據諸書紀之并附其

長樂縣志


卷之一 分野志

一

天時之運動與氣候之變遷云志天文

星野 翼十八度七十七分

丹元子書天之翼二十二星最難識上五下五橫着行中星六個恰似張更有六星在何處二三相連張畔附五個黑星翼下頭欲知名字是東甌



翼宿二十二星爲朱雀翼土星也距中右第二星去

極百四度入翼初度凡十九度上爲中赤道十九度九十分黃道十九度六十五分位在巳次於分爲楚於野爲荊州

又軫星在湖南諸郡故不記

按翼周天三百六十五度每一度一千四百六里二十四步古謂楚係翼星分野又曰鶉尾爲荊州是皆包絡全楚區域甚廣詳載史志亦不獨爲一邑數百里而言也今邑大約亦在漢南郡之間所謂人翼十度似亦較近其實當求諸抄忽之間總以俟諸精於推步者耳

附氣候

地高氣多寒地下氣多煖氣有先後而候之遲早因之長樂處深山窮谷之中氣候與他處頗異然一邑之中亦各有不同其實寒多於熱

近城等處與漁洋關通塔坪各地地氣較煖故田地可種兩季其餘地氣寒冷止種一季亦有以洋芋諸豆雜糧包穀而種之謂爲兩季者

高處播種在先收成在後低處播種在後收成在先果蓏糧食低處已收而高處嘗有未嘗新者

喬氏竹枝詞註

初春餘寒有如隆冬俗謂倒春寒夏日霪雨連旬□

着棉絮秋後餘熱或較甚三伏俗謂秋老虎冬或晴久蟄蟲率蠕然動間有春花開放者按此與東湖鶴峯等處畧同

高荒暑月可着棉衣遇陰雨卽當圍爐披裘此等冷地包穀亦不可種卽種結包僅長寸許故土人多種羊芋以爲糧城鄉等處暑月雨多亦必着棉夾衣四季可蓋棉被甚至一日有寒熱兩候

諺云清明斷雪穀雨斷霜樂邑至白露節後或已見霜雪不必待九十月始然

李煥春

嘗有句云山深寒氣

早天小月光微

長樂縣志

卷之一 分野志

三

晴久則慮其曠雨久則慮其潦長樂巖多土少農民多砌石壘土以種糧食雨水太多則糞土被所冲刷膏腴盡而收成薄有種地兩年又荒蕪兩年再種者以爲蓄土若夫平田則惟恐雨多淹漬

喬氏竹枝詞按此與長

陽鶴峯等處同

樂邑山高氣寒所出泉水氣多寒冷暑月飲之亦冷逼齒牙故田地多不足以資灌溉

重崗疊巘率多陰霾然而無瘴癘者以地氣偏於寒也

喬氏竹枝詞註

霧露多故寒氣重山多出水故潮濕甚

時逢乾旱近城西山雲起必大雨滂沱故諺曰西山戴帽降雨無道

邑屬地勢高下不一寒煖亦不一喜濕喜燥各有不

同

以上二條喬氏竹枝詞註

陰崖積雪寒氣凝結必至春盡始消近城之地雖陰處落雪逾日無不融化者隆冬之日暴熱一二日必有雨雪不然則有大風

冬月有雪草木皆成瓊枝玉蘂人家茅屋簷溜凝結晶瑩可悅真如水箸

邑旱魃爲虐之年鄉民設壇祈雨必進城請地方官

求如縣丞則往灣潭龍洞祭祀縣官則往北門外大龍洞均素服雨纓帽祭畢放三銃謂之曰打龍洞寒煖者天氣也實因地氣而殊樂邑如界山上下高峯長冲等保雖曰山地氣較温煖麥梁種爲兩季亦可種棉花芝麻等類收成較早至漁洋關尤煖收成益早三十里至百年關下卽冷地及平溪石子冲紅巖腦等處已七十里均惟種玉黍卽包穀一季與黃連石柱清水灣等保同至近城與石梁水澗至麥莊幾二百里又皆煖地可種兩季由水澗上白魚牛溪由石梁西上颺花巖南至平溪界頭直至鶴峯交界處

大半高荒冷地玉黍之外多種羊芋獨由大面至塔坪又爲煖地稻黍可以兼種奇矣而麥庄保通長陽之火山則土色俱赤雨雪不黏一如有蛟之地乃自古來無異產玉黍最早熟五月即可嘗新則尤奇高處要晴低要雨天到山中做亦難昔人爲鶴峯州詠也予謂長樂亦然蓋宇宙間近水邊多沙灘處山上有巖石而土山所在多有長樂則無處非山卽無處非細沙碎石土少故瘠而高處雨多則益寒低處旱久則乾焦所以異也道光二十八九年春宰南漳祈晴雨輒應故豐收樂邑雨暘不時遂荒歉今宰斯四年晴雨調順收成稱稔豈有燮理之術乎雨多則祈晴晴多則求雨耳